

काशमीर काव्य मौक्तिकावली

१

श्री कृष्ण वाणी ।



स्वर्गीय श्री कृष्ण राजाणक

EDITED BY

S. K. TOSHAKHANI, M. A.

PUBLISHED BY

THE WOMEN'S WELFARE TRUST,

KASHMIR,

All rights reserved.

*No one is personally interested in the sale
of this book.*

अक्षर अनुवाद पत्र*



[१] अ

गर=घड़ी

चर=चिड़िया

[२] आ

आठ=आठ

लार=खीरा

[३] उ

दुख=दौड़

रुश=नफ़रत

[४] ऊ

तर=ठंड

कच=कितनी

[५] ओ

ओन=अन्धा

नोन=नंगा

[६] र्थ=महीना

[७] शुर्य=बच्चे

* This system of transliteration follows the editor's system already used in his अक्षर ज्ञान and other books and has been given here merely for the use of those who have not read those books,

प्रवाथ हो आव अछय मूचुराव,
न्यंदर मो त्राव न्यंदर मो त्राव ।

छु चमकान आथ्म सिर्युक गाश,
न्यबर अन्दर यि च्यथ आकाश ।
मुचर अछय दारि मो त्रोपराव ० ॥

छतुज ह्यत्य-नय च्य किहुनी कीश,
चु चेनन कोनु छुख बुपदीश ।
समय गव रंग बदलिथ आव ० ॥

समय ज़न बांड जेष्णा ज़ान,
गलथस युथ त्युथ गंडुन सामान ।
नोबुय नोव पोथुरा ह्यथ चाव ० ॥

ज्ञानुक दीफ प्रजुलिथ ज़ान,
व्यचारुकि न्यत्रु बुछ श्यवु धान ।
वज़िय युथ नु खयालुक वाव ० ॥

मकर चेरें फेर चु होशस कुन,
वोद्यगुक्क्य जामु नाली छुन ।
च्यतस बुजुनाव आलुच साव ० ॥

संगर मालन छुचर सांस्पुन,
ह्योतुन सोख्य जगथ नांपुन ।
चु मुख अद्वैत आनस हाव ० ॥

बोद्यगा कर तु स्वामी सुर,
स्यदथ पानय दियिय ईश्वर ।
सु करिय युथ चु करुहस बाव ० ॥

ख्यनुय साथुय दनुय राथुय,
तिहुन्द स्वामी छु प्रवाथुय ।
आमिस निशु अविज्यथ हो जाव ० ॥

गछुन हुश्रार च्यं बड गथ छय,
च्यं लागुज कुसु लागथ छय ।
न्यराशन पानु गाश हो आव ० ॥

कर्म खाव दर्म खोरन पाव,
गछ अत्सु तिर्थु तन मन नाव ।
बखच संरु प्रयुस पोजा छाव ० ॥

युगन चुन मंज छु चूर्युम जान,
छु ख्यथ च्यथ खुश गछन बगुवान ।
पतिम पहरस छु युथ सुबाव ० ॥

युगन व्यन गछि करुन वुपुवास,
 गृहस्थ त्यागुन वनुन वनवास ।
 छु वुजक्यन वस कुनुय दय नाव ० ॥

युग राजस छु जय जय कार,
 योहय छुय स्यद दिनुक मुख्तार ।
 चु वूगन वूग मूक्षिय प्राव ० ॥

गनीमथ ज्ञान अम्य-सुन्द राज,
 कलस प्यठ थंवं व्यचारुक ताज ।
 कमाना तुल निशाना पाव ० ॥

दयस निशु थलि चुशुवय चाय,
 दिचुन प्यठु कनि अम्य-सुय जाय ।
 असुन्द पानय बजर गंजुराव ० ॥

युगन हुन्दि अनुग्रहुकुय अन,
 तपु अग्न पाकवन गयि ज्ञन ।
 इवान छुस यथ्य युगस मंज छाव ० ॥

शुंगुन छुय खुश इवान वुजक्यन,
 स्यदथ छुय दय दिवान वुजक्यन ।
 यिथिस वेलस सु मो मंशुराव ० ॥

(४)

इवान छिय बुछनि कम २ दीव,
ह्यसस कुस आसि बुजकयन जीव ।
स्यदुच हुंदि यारबलुछस नाव० ॥

फुलय लंज बाबुकयन पोशन,
मुबारखें साहिबे होशन ।
यिथिस वेलस करुज ह्यन काव ० ॥

करुज ह्यन बूल्य जानावार,
कृष्ण कर पोशनूलज कार ।
प्रयुम सुत्य कृष्ण गीथा गाव ॥

[२]

अनि गटु चंज फोज संगर मालो
बुथू नन्दु लालो यूगु न्यंदरे

गाश तारुकुक गाह प्यव बालु बालो,
प्रकाशु च्यानि सृत्य प्रजुलनु आव ।
दूरि वोथ पूरि किनु प्यठ पंचालो ० ॥

आशि च्यानि बुलबुल छिय दिवान नालो,
प्रकाशि च्यानि दिदुरे छ्य बोलान ।
पोशनूल बोलबाशि बोज गाशिलालो०॥

गूषीयि आयि ह्यथ प्रयसु पोशि मालो,
 राधा कृष्ण चय्य पूज करुने ।
 जसुनायि स्नानस द्रायि कमिहालो॥

दीवियि दिवता आय सानि सालो,
 रातस रूद्य प्रवातस ताज ।
 पंत्य ब्रूद्य सुत्य छिय चय नालीनालो॥

यारु बल्य बल्य २ शिव शिवालो,
 छिय वज्जान शंख तय छिय दज्जानद्रूफ ।
 लूख आयि पूजायि ह्यथ पोशुमालो॥

च्यानि दयायि सूत्य दीनु दयालो,
 स्यद गायि साज दुन्यादारी ।
 सुबहुक प्रथ चीज वोत कालुकालो॥

आकाश वोथ प्रकाश दुशालो,
 चलनस क्युत गट चलनस क्युत ।
 जगिवोल कोडकालु पथरुना नालो॥

चय्य हू शाह ब्यूठ यिथि जलालो,
 गाह प्यव जगि गजगाह क्या जान ।
 वाह २ करुवुज छि बैरव बितालो॥

बाग छावुनि वस प्यछ्य बंगालो,
 मथुरायि नगुरस वथुरिथ छुय ।
 श्यासु वस ब्रजगासु प्यछ्य दिथ डालो॥
 दीवियि गंदर्व आयि बडि खयालो,
 वायन तु गायन छि गूव्यन्दु गीथ ।
 रोज़ श्यासु बोज़ सासु वीहुचितालो॥
 आशा च्यानी छय बालु गूपालो,
 कृष्णस गटि मंजु गाशा हाव ।
 पालना साज कर त्रिजगथ पालो ॥

[३]

आदि प्रवातस अछय मुचर्य-जे
 मनु किज सौर्य-जे श्री बगुवान
 न्यर्मलु बोज़ बुवसागरु तर्य-जे,
 न्यष्कलु यार बल कर्य-जे स्नान ।
 ज्यशुवय मल अविमानुक्य हर्य-जे॥
 संसार ब्रम मानिथ दम बर्य-जे,
 सोऽहम सौर्य-जे ठुहरिथ प्राण ।
 यन्दुर्यय शोमुरिथ सुमुरन फिर्य-जे॥

त्याग स्रूय राग दीशुनिशु व्यसंर्य-जे,
 सूहम सूर्य-जे वर्य-जे दान ।
 मन थयर कर्य-जे मंथुर पर्य-जे ० ॥

श्रीकृष्णचरण कमलनअछय जंर्य-जे,
 यछि पछि श्रदायि वावनायि सान ।
 मानसी पूजि स्रूय दीह मंशुर्य-जे ॥

नाना सूरिथ वानन वर्य-जे,
 वावनायि स्रूय खीरु खंडु पकुवान ।
 श्री कृष्ण महाराजस आपर्य-जे ० ॥

अष्ट दल हृदयस मंज वथुर्य-जे,
 न्यर्वासनु आसनु की थान ।
 कृष्ण दानस्रूयपानुथानुआवर्य-जे ॥

दीहु दम्बुकिस कुटंबस खर्य-जे,
 आशुर्य-जे ज्ञान संतान ।
 ईकांतुच शांथ शक्ति वर्य-जे ० ॥

दर्मु कर्मु जोरु मूहु राजस फर्य-जे,
 स्रूय ह्यथ शमु दमु की पहल्वान ।
 आनन्दु नगरस राजा कर्य-जे ० ॥

बाला मकुन्दुन घाना दर्य-जे,
 कृष्ण जन्मन हुंज हंर्य-जे हान ।
 न जिजाह ज्यव्य-जि तु न जिजाह मर्य-जे० ॥

[४]

[सूचना—त्र्ययिमि २ सुतुरि पतुगछि
 चूरिमि कनि परुन—सूत्य गूपियन गिंदुने]

आव हय नन्दु लालु बिन्दुरावन
 सूत्य गूपियन गिंदुने ॥

टाठ राधा छस केशन,
 तस छु आमुत वुछुने ।
 मथुरायि त्राविथ खुमन० ॥

सब्जुजारा छु वृन्दावन,
 कामुदीनु लजि खसुने ।
 पतु २ छुख मन मोहन० ॥

शाम रूप छस ज्ञातन तन,
 कामु दीनु आव रछुने ।
 ब्रज गामु द्राव कामुदीव जन० ॥

किसि प्यठ छुस गूवर्दन,
यंद्राजु आस शरुने ।

अहु खुश गोस मधुसूदन० ॥

पूतनायि दोष दुद बं चावन,
ज़हर लंज बबु बरुने ।
अकि दासु गयि अथु हावन० ॥

कालीनाग ओस ज़हर हारन,
तस ति प्यठ लोग नचुने ।
बाल कृष्णा छाल मारन० ॥

शंख चोर दाथ आव लारन,
गुपियन लोग खटुने ।
अकि चंजि गव प्राण त्रावन० ॥

गूर्यवायि द्रायि पर्य त्रावन,
जमनायि तन नाबुने ।
जामु निथ छुख नु पामु थावन० ॥

राधिकायि हुन्द आव ब्रह्मण,
मुख्त मालि मुल करुने ।
मुख्त कुल्य बुछ्य २ छु मंदुछन० ॥

कैलासु आव शंकरान,
 रासु मंडल हांछने ।
 कृष्ण ड्यूडुन तु गव हर्षगण० ॥

न्यर्गुण सुंद बुछ सोतूगुण,
 जगुतस आव रछने ।
 सत्यु दीव सत्यु नारायण० ॥

परमात्मा छु परि पूरण,
 कृष्ण तस्य लग्य वनुने ।
 विज्ञानवान यूगीजन० ॥

कृष्ण नावस छि कांत्याहगुण,
 ज़ीवु बाव लोग हरुने ।
 पान्य पानस छु पर्जुनावन० ॥

छस दया छुनु कांसि मारण,
 यिम तमिस आयि शारुने ।
 पापियन ति केंछा छु यारन० ॥

डाल्यसुत्य आस्य व्यवहारन,
 असि लोग ह्यसु फिरने ।
 आवदारन सुय छु तारन० ॥

शु॒ब कार क॑र्य शू॒विदार॑न,
 व॒स्ति बा॒व लो॒ग ग॑णने ।
 व्य॒ष्ण रू॒प कृष्ण॑ अवतारन० ॥
 कृष्ण॑ कृष्णय को॒र कृष्ण॑न,
 कृष्ण॑ नाव लो॒ग सु॒रुने ।
 कृष्ण॑ टोळ्योस कृष्ण॑र्पण० ॥

[५]

कृष्ण॑स छा॒डान अ॑स्य ग॒यि म॑चय ।
 न्य॒स्फ श॑वन न्य॒दुरि॑हचय ॥

नच॑न २ वन॑न छ॒य व॑चन,
 अ॒न्दस॑ तु मंज॑स पा॒नय॑ छु नच॑न ।
 श्या॒मस॑ छा॒डान अ॑छय ग॒यि छ॑चय० ॥
 प॒क्य-त॑व ह॒न २ व॑ज दि॒थ त्रा॑वव,
 क॒दम॑ त॒म्य-सु॑द्य कु॒नि प॑रजु॒नाव॑व ।
 प्र॒यम॑ ह॒चय॑ छ॒य म॑च गा॒मच॑य० ॥

पान मंशराविथ छाडुनि द्राये,
 राधा कृष्णस ह्यथ तिम आये ।
 पूरण सोम्पुनि आसिथ लुचय० ॥

यिथय पाठय म्य कृष्णस मुख हाव,
 व्यण्णपिण म्यानि व्यनुच कन थाव ।
 राधा बनिथ मंजबाग नचय० ॥

[६]

राम जुव श्याम रूफ हावे ।

परुम गथ प्रावु नावे ॥

यूग शोग ह्यथ च्यथ हारे,

अचि मंज शोच वारे ।

ब्रह्मानन्दु पोश छावे० ॥

करि सथ संगु बोल बाशे,

चटि मूहु वाल वाशे ।

हंस पखुवुय बुफिनावे० ॥

बंखुच ओला येरुनावे,
शखुच सत्य बसावे ।
अमुर्यतुकी फल ख्यावे० ॥

पोश्नूल ज़न गंजुरावे,
कृष्ण गीथ ग्यवुनावे ।
नाम सुमरनि स्वस्थ थावे० ॥

रूढ्य-मुत्य ज़न मनुनावे,
आत्म तिर्थ मन नावे ।
न्यष्काम ज़ल दाम च्यावे० ॥

दयु नाव कति मंदुछावे,
दयु गथ नन्न हावे ।
कृष्णस वैकुंठ दावे० ॥

[७]

समिव करव श्रथु वास ।

पंकिव रास गिंदुने ॥

इय रथ सांम्पुज कुनीराथ,

गूपीनाथ नचुनि लोग ।

वेहर दोह गव पहर मास, पंकिव० ॥

यथ वाल पानस दिमव छोहा,

युथुय दाहा छु गनोमथ ।

सासस युगस करव सास, पंकिव० ॥

शुर्यन वाचन लवि कनि साविथ,

वछु तल त्राविथ नेरव ना ।

सृत्य २ ह्यथ व्यनि पुफ मांज मास, पंकिव० ॥

बर दारि वछु त्राविथ नेरव,

वथ लव तु मस्तानुवथ फेरव ।

दयि लोल रोस्त क्या लयि अतलास, पंकिव०

धनिव कस छुव कृष्णुन लोल,

जुवुक जुवुय तु कम्य क्या चोल ।

निवुवुन मन दिवुवुन व्यकास, पंकिव० ॥

तुहि कति सोन ह्य वन्योवु हाल,
अदु कति ज्ञान्यून तोह्य नन्दु लाल ।
नीरिव ना प्ररिथ बुलास, पंकिव० ॥

अस्य कमि बापथ करव त्याग,
असि गछि आसुन कृष्ण राग ।
सुय गव तफ ज़फ तु यूग अव्यास, पंकिव० ॥

कथ सानि महा मंथुर ज्ञान,
बुद्धन सोन मान बुत्तम दान ।
ख्योन च्योन सोन गव बोड बुपुवास, पंकिव०

कथ गयि न्यंगुलिथ अथ रुजिथ,
कन छिनु तल व्यन ह्यकन वूजिथ ।
संकल्पन हुंद कोर संन्यास, पंकिव० ॥

यिथ्य हर्शन क्षय कोर शूकन,
कति बनि मंज़ लूकालूकन ।
यल्लु वनि अल्लु रल्लु वैकुण्ठवास, पंकिव० ॥

बुर्वश्य वश कर नचानन ।
गश गोस पुश प्योस वचानन ।
बुछथ २ विगिनि गयि वनवास, पंकिव० ॥

रागन सुरन सांगन सुरज़ीन्य,

नाग आयि बेहोश वोज़नि वीन ।

गम बम छु कासन बम ज़ीरु तास, पंकिव० ॥

तपीश्वर आयि सृत्य ह्यथ वाल,

मंज़ अकुहारस मारान ताल ।

हीमाल सुमीर ह्यथ कैलास, पंकिव० ॥

सनकाद्यख सतुर्यप लूकपाल,

व्ययि यिम बुलंगिथ छि माया ज़ाल ।

गुल्य गंज्य २ छिस प्रछान यंतिदास, पंकिव० ॥

काया दारिथ छु मायातीथ,

यूगुक छु स्वांमी बूगुक छु हीथ ।

बूगिथ छु न्यर्मल तु न्यर अबास, पंकिव० ॥

तनसुख तु मनसुख ह्यथ मंज़ बाग,

सखियन सृत्य छुय ग्यवान राग ।

रोसियि सृत्य ह्यथ दासियि दास, पंकिव० ॥

अपार्य नादा यपार्य वादा,

चुपार्य राधाकृष्ण छुय ।

प्रथ कंसि सतिन करिथ अथु वास, पंकिव० ॥

जसुदा माता गुरुस छथि मंदन,
 नंदु गूण नन्दन गिंदन छुस ।
 दुदस तु थनि छुस करान ग्रास, पंकिव० ॥

अथु छुस कुयि मंजु न्यवर कडन,
 चखि मंजु प्रयम बडन छुस ।
 खुश यिवुवुन छस करन ग्रास, पंकिव० ॥

कन्यन थंज गंथि पलन पोअ,
 नचन छु मंज्य नारद गुसोज ।
 शीन ज़न मूह गोल तु चोल तलवास, पंकिव० ॥

मंशिथ गव गुपुनन गासु ख्योन.
 वळ्यन त्र शुर्यन मोठ दाम द्युन ।
 सीमावस ह्य सपुन अल्मास, पंकिव० ॥

रातस दोह गव दोहस राथ,
 नचन छु शामस सृत्य प्रबाथ ।
 पानय सोम्पुन कालस ग्रास, पंकिव० ॥

युस असि मंजु कोचन प्रारन,
 तस पतु लारन छिय कारण ।
 ब्रह्मा रोदुर यंदुर व्यास, पंकिव० ॥

असि मंज्य-म्यन हुंद छुस बोड पास,
 करु नावव अस्य शुराह सास ।
 कृष्णस तु श्रीकृष्णस अथ वास, पंक्तिव० ॥

[८]

नन्दु लालु आव गिन्दुने रास,
 आरु करिवे आरय ।

आरु वल दंज लोलु नारय,
 आरु रस्त्य कोर वनवास ।
 आरु कंच फरि आरु आरय० ॥

दिहु दारिकायि मंज वारय,
 बुछिवे खेलवुन रास ।
 दारि मुचुरिथ नव दारय० ॥

बनिवे यिथ गुपुकारय,
 शहरु मंजय वनवास ।
 म्यविवे शंकराचारय० ॥

करिवे सुन्दर्य नारय,
 रोह करनुक अव्यास ।
 श्यासु सुन्दर बोझि वारय० ॥

हार पर्वत दरवारय,
 लछु बंघ सासु बंघ सास ।
 नियिवे दयु दनु दारय० ॥

हरमुख तय हरद्वारय,
 वनि कड्य-तोन संन्यास ।
 सत्य ज्ञानु व्यचारय० ॥

लारि क्या यमि संसारय,
 सासन करिवे सास ।
 अख दयु नाव तारि तारय० ॥

कृष्ण जुव चाव सोनि दारय,
 सत्य ह्यथ हर मुख वास ।
 सिर्यु चंद्रसु प्रकारय० ॥

कृष्णस सत्य लुक चारय,
 कृष्ण जुव कर अथवास ।
 गिन्दुनक्य छिस दोह तारय० ॥

होश पोशनूलु थावकन,
वाणियि बनहारि लो लो ।

राधा कृष्ण कृष्ण वन,
लोलनि अश्य दारि लो लो ।
रंगु किज तस्य ह्य वन० ॥

गुडु कर मन विन्दरावन,
अदु नेर बर्य तु दारि लो लो ।
इयास रूफ बुछ हन हन० ॥

प्रेम सूर्य कर मन रुखमन,
नाद लायुस प्यारि लो लो ।
बखित बावु सूर्य ईख बनि दुन० ॥

च्याव वीदु कामुदीनि थन,
बखुच हुन्दि चडुवारि लो लो ।
च्यथ वन आनन्दु गण० ॥

न्यति वर्ती गूपियन,
फोर-मुत छु मन तारि लो लो ।
व्यापख वामुदीवन० ॥

बोज़ जसुदा छस ललवन,
 मूहु पूतनायि मारि लो लो ।
 योलि बबि दुद च्यन सथ ज़न० ॥

बखितयि मंज बन अज़न,
 रथु बानियि सु लारि लो लो ।
 गालि पानु क्रूद दय्यूदन० ॥

मनु बाजे कृष्ण नाव खन,
 दाउ अलमासु तारि लो लो ।
 किसि प्यठ छुस गूवर्दन० ॥

हंसायि कंसस मारन,
 सिक्षु दारि तवारि लो लो ।
 माज़ि यिम राजि तस हू ज़न० ॥

खट्य खट्य छु नोन बासन,
 अन्दुरिमि छिपि छारि लो लो ।
 च्यथ बुज़मलि गटु कासन० ॥

वृन्दावनुकुय बन,
 मनम्योन बुश्चरि लो लो ।
 सब्ज ज़न लागि चरणन० ॥

दास यति रास खेलन,
 व्यास नारद तिलारि लो लो ।
 बोल नावन शुद्धीव ज्ञान० ॥

यूगियव वृगिथ वृगन,
 वोनहस ब्रह्मचारी लो लो ।
 न्यर्मल न्यष्फल न्यर्गुण० ॥

कृष्णस टोठ व्यष्णापार्ण,
 न तु यति क्यासां लारि लो लो ।
 ज्ञान मंज तस ति सूहम अन० ॥

[१०]

बुधू न्यन्दुरे बालु गूपालो,
 श्यामु लालो गाश हो आव ।

अस्य हुश्यार रूद्य रात्य रातस,
 शाम प्यठु प्रवातस ताज ।
 ही मूक्त दात प्रवातु कालो० ॥

लोल च्यानि साज अशुची दारा,
 वाच तारा मंडलस ताज ।
 ह्यथ छु चन्द्रसु अमर्यत प्यालो० ॥

सुलि वंथ्य पोश चंध्य पोश थरिनुय,
गरु वातुनाव्य छरि नुय कयथ ।
करि चय्य किच पोशन मालो०

गूपियि द्रायि जमुनायि सानस,
बुजु मचु कृष्ण दानस मंज ।
योरु द्रायि ओरु आयि कमि हालो० ॥

लूख बुजुनाव्य सिर्यन सारी,
आव रथु सवारी ह्यथ ।
सारस नेर त्रिजगथ पालो० ॥

क्या करव अस्य न्यचिव कोरि वाली,
बळ्य नाव दार खाली दस्त ।
द्यन छि गुजुरान कमि कशालो० ॥

क्या करव अस्य छि कर्महीन सारी,
यिछि दुन्यादारी मंज ।
अडि खच तु बडि अयालो० ॥

क्या करव अस्य चारी फ्यारी,
क्या पकान नादारी मंज ।
छरि अथु हुछि कथु मूर्ख चालो० ॥

हान चलि हे असि मान बडि हे,
 शर्म कर्म दर्म दान शूबिहे ।
 लदतु अनु दनु दीनु दयालो० ॥

यिनु मंदुछनु यियि प्रोन नावुय,
 वावु लदु नुय वावुय कास ।
 कर तु अनुग्रह वर तु क्रयपालो० ॥

कया करव अस्य वंदन तु बायन,
 मंदुछन छि हमसायन मंज ।
 सानि मुख थावतख सुखालो० ॥

ही मूक्ष दातु प्रवातु कालो,
 मूहु न्यन्दुरे मंजु बुजुनाव ।
 कृष्णस मंजु च्यथ शिवालो० ॥

[११]

रातस द्यन गव वस्तिथि वन गव,
 मन गव ह्यथ मन्मोहन नाथ ।

मनु कुय हीथ करवुन कर्मन गव,
 मनुकुय पत्तीथ गव दयु लाव ।

मनु कुय जीथ जेनुन ज्यबुवन गव० ॥

मन गव मीलित्य सुयहन २ गव,
मनु कुय मानुन गव संसार ।
म्यथ्या न्यश्चय सोन पूरण गव० ॥

ब्रह्म व्यचारस मंजु अख क्षन गव०,
पकुनु रोस्तुय प्राव तिर्थ यात्रा ।
न्यष्कल बीठ्य सुफल प्रदक्षण मव० ॥

नचु वनि व्रच हर्कच निशु ल्यन गव,
पन गव प्रव्रच प्रच मुकालित्य ।
इछि सुमरचु यचकाँल अख क्षन गव० ॥

शब्दस अल्यं गयि अछिनुय कन गव,
आनन्दु गण गव च्यथ बुद ह्यथ ।
सुशफ्त तुर्या ज्ञाग्रथ ज्ञन गव० ॥

द्यन तु राच शुर्थ तु वाच मंशुरावन गव,
रावु रावन गव मूर्ख व्यवहार ।
रागु द्वीश चूरस सूर्य वर्तन गव० ॥

ईख वास्योव मिलनाविथ दुन गव,
मनु रुक्मन गव कुछि क्यथ ह्यथ ।
पारुस मीलित्य शस्तरस सुन गव० ॥

प्रकृच्च बखशिथ शुद्ध सथ गुण गव,
 ह्यस व्यसुरन गव व्यवहारक ।
 टेवि २ मीलित अथसुय पन गव० ॥

रावुन तु प्रावुन ज़न वुपुरन गव,
 अदु कुस र्यण गव रूज़ित पथ ।
 सानि मुख रायि रोस्त वूग वूगन गव० ॥

युथ हाल व्यज्ञानवान यूगियन गव,
 बगवथ गीता, अथ छय साक्षी ।
 यथ प्यठ स्यद पशन ज़गुरन गव० ॥

शुद्ध ज़ाग्रतुकुय व्यशीष रास गव,
 सुय अव्यास गव गूपियन रूड ।
 संकल्पन तु व्यकल्पन छयन गव० ॥

न्यराकारु सुन्द रूफ व्यबुवन,
 सर्व आकारु होवुन व्यंश्वरूफ ।
 डीशित आश्चर्य्यस अर्जन गव० ॥

तस निज्ञ स्वर्गुक राज् मंद छन गव,
 यस खोवुरि किसि प्यठ खारिथ ।
 गास कच्च खुत लोत गूवर्दन गव० ॥

द्रौपदियि अंवार यलि फयुरुनन गव,
 दुशासन गव कड्य २ तंग ।
 हाथ सवा रुजिथ दय्यूरुन गव० ॥

शीतल कूमल मन शीशु नाग गव,
 तथ्य प्यठ कृष्णुन राग गव स्यद ।
 वैकुण्ठस ह्य विन्दुरावन गव० ॥

[१२]

मदुकीत मारुनि युद वेशि दारुनि ।

शुद शांतु दुद चूर गूर २ करुयो ॥

शहुर २ गाम् २ राम २ स्वरुयो,

दक्षिण बुतरि पछम पूर गूर २ करुयो० ॥

कर हरी कीशु राग द्वीशु किस शीशस ।

खंजि २ चूर २ गूर २ करुयो ॥

छिय वसंतु रंग जाम यिनु च्यानि फुजि श्यास ।

लंजि २ मूरि २ गूर २ करुयो ॥

बुंदूर गीता छयं गूपियि गावन ।

स्वर्ग मंडलचि हूर गूर २ करयो ॥

होश अल्य-श पोश किस गोश स प्यठ बेह ।

श्याम रंग बुंदूर गूर २ करयो ॥

सिर्यु दर्शन दित मूह गटि मंज नित ।

यित नूरकि नूर गूर २ करयो ॥

तुलसी छावय तु हियि तन नावय ।

फल्य-ल मुश्कु कोफूर गूर २ करयो ॥

मननुकि तेलनु न्यादिद्यासनु टोठ ।

श्रवनकि कनु दूर गूर २ करयो ॥

राजयुग राजु बाजु साजु ताजु २ स्वर ।

प्रयुम साजु संतूर गूर २ करयो ॥

दीहु अविमानुक कुल ह्यायि छनुनुय ।

त्याग वाराग सूर गूर २ करयो ॥

ही हरीदर पापदर कृष्णस कर ।

अनुग्रह पूर २ गूर २ करयो ॥

[१३]

ह्यथ प्रवातस मंघानु कालय ।

हाव श्यामु लालय श्रीरामु रूफ ॥

कास दीनु बिहिथ छव्य प्यठ गूर्य-वानस,

अखा छव्य बुदुनि दानस मंज ।

च्यय सत्य मालेथ कमि हालय० ॥

ईख ज्ञानिथ अनोकस तीलिथ,

रासा खील्लिथ मालिथ च्यय ।

बुछ प्रक्रम कोर ह्यथ पोशु मालये० ॥

अख आसि बुदुनि या आसि बिहिथ,

तति कलु गुदिथ छु परन प्योन ।

सुय ख्योल स्योद करि होल कपालय० ॥

श्रीकृष्णन राम मूरथ करुन,

वरुन ज्ञामूवन्तिन्य कूर ।

गथ हावनस मंज हापथ खयालय० ॥

रामय छु कृष्ण तु कृष्णय छु रामय,

असि बख्ती न्याप्कामय कर ।

अद्वैत बावन कड्य मूहु जालय० ॥

इयवुय लु कशिव तु कीशिव लु इयवुय,

थेज असि अदु प्योस ग्यवुय नाव ।

आत्म दुदस छय व्योने २ चालय० ॥

गोर्यन सूती यारानु लोगुम,

गूर्य वानन प्यठ जोगुम च्यय ।

कास दीनु लैद्य नाल हँद्य रंदिम नालय० ॥

जसुदा माता गुरुस छय मन्दन,

दुदु शूर्य संध पाठ्य गिदंन लुख ।

व्यज थेज प्रज लुकु दुदु प्यालु प्यालय० ॥

यछि हुन्द वोछ कुछि ह्यथ लुस बुदोरान,

मिलनावतस बुछ म ज़ोरन कुन ।

दयायि कास दीनि सत्य गूपालय० ॥

राधा छय च्यय पथ देवानु गामुच,

पथर पेसुच गूपियि ह्यथ ।

शाम वोत कास दीनु ह्यथ यिस दयालय० ॥

कोचन मंज छयय वनि २ नेरन,

वनु प्यठ गरु कोनु फेरन लुख ।

यिस दर्शुन दिस निस दिथ डालय० ॥

येवरजल छ्यय मंज पोशु बागन,
जागन बंवूर डेशन ना ।

शामस प्रवाथ ह्यथ बुछ कालय० ॥

क्षणस तु सातस घनस तु रातस,
छुस च्यय दातस मंगान प्रय ।

शामस तु प्रवातस कलिकालय० ॥

कृष्णस मेलनि नारुद छु आमुत,
खेलनि चामुत मंज गूपियन ।

सदु जाव वोछ जिन मारन छालय० ॥

[१४]

श्यामु शामय श्यामु रूफ गोरुम ।

श्यामु लालुन दोरुम दान ॥

श्यामु २ बुछ मंज शेवु मंदुरस,

श्यामु सुंदुरस सुत्य शंबू ।

शाम अथि आम दोह रथि खोरुम० ॥

शामस सूत्य सुवह मिलनोबुम,

रामस सूत्य रामीश्वर ।

शिव तु कीशिव कुनुय व्यचोरुम० ॥

सुबुद्ध शामस कल्प व्रक्ष मोनुम,
 म्यव ज़ोनुम श्यव अनुग्रह ।
 घन त राच हुंद जग तु प्रोन चोरुम० ॥

श्याम बेरि थेरि श्यव राग फ्योरुम,
 बाव छाव आव अनुग्रह अन ।
 पान त्र्यफ्त गोम प्राण संदोरुम० ॥

व्यलु अंबार पशु २ चोरुम,
 सूत्य थावमस ही तु तुलसी ।
 शामु वेलु शेवु मंदुरस सोरुम० ॥

मूर्ख व्यवहार ग्यव जन कोरुम,
 शामस ज़ालमस रंतुन दीफ ।
 आलुविथ गमु गटुकार होरुम० ॥

शामु किस साज़स कन दोरुम,
 हर्शुक बचु लोग नचुने ।
 तम्य नचुनन दुख न्यवोरुम० ॥
 सुबुद्धस तु शामस व्यस्तोरुम,
 बांडु ज़ण्णा तु बाचि नग्मा ।
 तम्य नग्मन पाथुर म्य खोरुम० ॥

(३३)

संसारु यश पशु बाव होरुम,

खुश गोम दशरथ नन्दन ।

बुशकुय देश रावुण मोरुम० ॥

मनु मथुरायि श्यामु दान दोरुम,

पजि रजि सृत्य युथ पजि हे ।

गमु कंस थमुनुय चोरुम० ॥

श्रीकृष्णन श्यामु शूवायि सृत्य,

सायि सृत्य आव गाव कर्य-नम ।

तम्य म्य पापन पर्मे पुण्य योरुम० ॥

[१५]

मुलीं शब्दा गव असि कनन ।

वनन छि राधा कृष्ण आव ॥

जसुदा छय नंद गूरिस कुन वनन,

जगथ यस ज़ाव सुय असि ज़ाव ।

आस मुचुरोवुस तु आश्चर छु ननन० ॥

यिम गुण खट्य-मृत्य आस्य न्यगुणन,

तिम ह्यथ अन्दरु न्यवर द्राव ।

प्रकठ कर्य श्री कृष्णज ज्यनन० ॥

बुधव जियस छय गूपियि वनन,

चु होख ज्ञान वनुन प्राव ।

बख्तियि सूती छय मुख्ती वनन० ॥

छुखय चु आत्म ईकुय वनन,

सुय गोख चय अख युक्ता हाव ।

नतु छुख आशखत जीवा ननन० ॥

गूवर्दन तुल न्यरंजनन,

प्यठ किसि युथ पनु बर्गस वाव ।

युथुय नाव अस्य छय मन वाजि खनन० ॥

बख्ती तम्य-संज कर अर्जनन,

सुभद्रा निथ ति बोझवान द्राव ।

यस वरि तस पापन पुण्य छि वनन० ॥

द्रुपतियि क्या कोर दय्युधेनन,

च्यतस याम प्योस अख कृष्ण नाव ।

अम्बर २ गास वर्दनन० ॥

दोयुम कांह छु नु तस हू ननन,

कस आसि तम्य-सुंद हू सुबाव ।

वैकुण्ठ गथ प्राव बिद्रावनन० ॥

बोजुन श्रवण तु करुन मनन,
 न्यदिद्यासन छु अख बरित बाव ।
 साक्षाथ कार बुद्ध तु यूगी छि छयनन० ॥

न्यथ ननि द्रायि आस्य मंज आङ्गनन,
 मुली शब्द याम कनन चाव ।
 न्यद्रि हचन बुठ कंड मनन० ॥

यि असि बन्योव ति कस छु बनन,
 सुय ज्ञानि यस युथ वनिथ आव ।
 न्यथ ननि नेरव तु पेरव वनन० ॥

गूर्य बाव प्राव नावि आनन्द गणन,
 व्यद गयि स्थद असि दुद याम ज्ञाव ।
 सोहय ह्यछुनाव्य तम्य-सुंद चयनन० ॥

प्रयम तम्य-सुंद गणन गणन,
 अस्य सुय छथ बनन चु मो नेशुराव ।
 वनुन दुर्लव छु युथ सथ जनन० ॥

यिछन राचन तु यिथ्यन चनन,
 रास आस्य खेलान ती याद पाव ।
 ती याद प्यथ असि हन २ छथ छनन० ॥

यि कोर असि अक्रूरज निनन,
 गछ श्रीकृष्णस योत वातनाव ।
 न तु यिख ह्यनु मंज साजन र्यणन० ॥
 बूझिथ यि बुधव छु कृष्णस वनन,
 यिछ गूपिया अख म्यति बनाव ।
 बख्ती यिहंज छम जिगरस सनन० ॥
 ज्ञान दुद वीद काभ दीनि थनन,
 ह्यथ चुय ज्ञानिथ म्य दामा च्याव ।
 बुद म्याज दुद जन छय तनन तु गणन० ॥
 बोंत्रस कुन यी छय गूपियि वनन,
 तथ्य प्यव बोंत्र गीत। नाव ।
 बूझिथ ति बख्तिन छय मुख्ती वनन० ॥
 येंवर जलन छु अंवर छनन ।
 मव रोश बोंत्र अंवर छाव ।
 अछिन कुन बुछ तन लाग तनन० ॥
 महाराजु ज्ञान नाव्य यिथ्य यंजमनन,
 सिर्यु चन्द्रम ज्ञन गरु चाव ।
 शामस तु प्रवातस म्युल छु वनन० ॥
 कृष्णन अथु अस्य छय चय्य कुन अनन,
 अथस सूतिन अथु मिलु नाव ।
 यिथि रासु अथु वाम ज्ञाह छु न छयनन० ॥

[१६]

टोठान चुय छुख बखित वावस ।
 श्याम रूप लगयो राम नावस ॥
 सासु मुख गोथ छुय ग्यवान शीष नाग,
 राथ दान म्य आस्थ-तन च्योन्य राग ।
 जनख राजु च्यय करुनोबुथ त्याग० ॥
 राजु भर्तृहरियस दितुथ वंराग,
 यूगकिज टोठ्योख बसन्तु कावस ।
 श्याम रूप लगयो राम नावस० ॥

ही श्यव कीशव छुल च्योन दास,
 शेव रूप दसुवुन छुख चु कैलास ।
 राम रूप लङ्कायि करवुन डास० ॥

हृष्ण रूप किज छुख खेलान रास,
 तार दिम मूढनिस दैर्यावस ।

श्याम रूप लगयो राम नावस० ॥
 कति थैव्य समुयन कंसस ज़ोर,
 कति रूद रावणस त्युथ दोरु दोर ।
 कति रूद्य लङ्कायि काह शथ पोर० ॥

संसार अज़ ताज कस रूद सोर.
 कंम्य दीफ प्रज़लोव मंज़ वावस ।
 श्याम रूप लगयो राम नावस ॥

शङ्ख मंजु शब्द त्रावुनस लगुयो,
 बाजबन्यन मूक्ष दावुनस लगुयो ।
 असुवुन सुख हावु नस लगुयो ॥

नाशु रस्त्यन यावुनस लगुयो,
 लगुयो सतु किस स्वबावस ।
 श्याम रूप लगुयो रामु नावस ॥
 सर्व व्यापकु लुख मंजु मनस,
 कृष्ण रफ दारिथ मंजु वनस ।
 कल ह्यथ वामनु जीवनस ॥
 आश्चर होवुथ अर्जनस,
 च्यानि बखितियि हुन्द लुम हावस ।
 श्याम रूप लगुयो रामु नावस ॥

रामु चन्द्र शीतल लुय स्वबाव,
 पुणिम दोह शेषु आर्थी म्य करु नाव ।
 चन्द्र चूड सिर्यु ह्य दर्शुन हाव ॥
 कृष्णस श्यव लोल त्युथ गणिराव,
 युध करि पार्थी दरि मावस ।
 श्याम रूप लगुयो रामु नावस ॥

लाला मोतीराम मैनेजर के अधिकार से
मुफ़ीद-आम प्रेस लाहौर में छपी ।
सन् १९२७ ई०
